

ne hoc quidem nunc fit Iosepho abique A  
Dei prouidentia. Deus enim, quando  
ostendit spem liberationis piorum, non  
illico lætitiã explet: sed sæpe obiicit  
impedimenta varia, & beneficia differt  
varias ob causas: vt diutius probe-  
t patientiam & constantiam nostram. Nec  
semper vitur iis mediis quæ nos velle-  
mus; sed post longum tempus inuenit  
alia, de quibus nos haud cogitaueram-  
us, aut iam pridem desperaueramus,  
vt solus plenam liberationis nostræ glo-  
riam apud nos & alios obtineat. Ita

hæc somniorum interpretatio & Pin-  
cernæ intercessio nondum erat idonea  
occasio liberandi Iosephum; quia per  
eam nondum poterat euchi ad digni-  
tatem præfinitam. Fuisset forte libera-  
tus & habitus pro diuinatore: sed non-  
dum obtinuisset exarchatum regni. O-  
portet igitur accedere interpretationem  
maioris somnij Pharaonis. Hæc  
consideratio patientiam in  
nobis gignere debet  
sub cruce.

•••••

## CAPITIS XLI.

### Argumentum, Vsus, Partitio.

**D**ecima sectio Hebraorum dicta à secunda dictione  $\Upsilon\text{7D}$  vsque ad medium capitis 44. de e-  
uectione Iosephi, deque fame Aegypti & Cananae. Hoc capite memoratur lata catastrophe  
calamitatum Iosephi, qui ad interpretanda regis somnia, suggestionem pincernæ euocatus carcere, de  
somnia mysterio, vbertate ac fame futura sapienter differit, & dat regi consilium propheti-  
cum: propter quod ab eodem maxime honoratur, & annona totius Aegypti cum summa potesta-  
te præficitur, quam vbertatis & famis tempore sapientissime administrat. Aliquid etiam de eius  
etate, matrimonio & liberis aspergitur. Sic tandem post varias arumnas Ioseph liberatur, exal-  
tatur, honoratur, Dominus constituitur. Quo exemplo egregie illustratur doctrina, quod afflictio-  
nes piorum diuina prouidentia tandem exitum sortiantur salutarem & gloriosum. Etsi enim Deus  
suos diu sæpe grauiterg, exerceat, vt eorum plane videatur oblitus: tamen opportune tandem affli-  
ctos liberat, depressos extollit: sicut dicitur: Dat cum tentatione exitum: Quod nos console-  
tur in aduersis, vt si Dominus moram faciat, eum exspectemus, quia veniendo veniet, & non tar-  
dabit Habac. 2.

Partes capitis sunt quatuor:

I. De duobus somniis Pharaonis, deque eorum interpretatione frustra quæsitã apud magos AE-  
gypti vsque ad ver. 14.

II. De interpretatione eorundem per Iosephum, vsque ad ver. 37.

III. De Iosephi dignitate & matrimonio, vsque ad ver. 47.

IV. De somniorum & interpretationis euentu, vsque ad finem.

In prima circumstantia præcipua erunt.

1. Somnium Pharaonis de bis septem vaccis, ver. 1. 2. 3. 4.

2. Somnium aliud de bis septem spicis, ver. 5. 6. 7.

3. Pharaonis consternatio & significationis inuestigatio, ver. 8.

4. Pincernæ de Iosepho oratio, ver. 9. 11. 12. 13.

In secunda erit

1. Iosephi è carcere eductio ver. 14.

2. Eiusdem responsum modestum ad regis postulatam, ver. 15. 16.

3. Somniorum commemoratio, vsque ad ver. 25.

4. Eorum interpretatio, versib. 8. seqq. vsque ad 33.

3. Ioseph. h. 2.